


~~Philosophia~~ 509.

Stawek francisii; Arcana philoso-
phiae rationalis sive voluntatis commu-
nicata.

Crac. in off. haeredum Christi Schedel.
1670.



A. D. O. M. H.
A R C A N A
 PHILOSOPHIÆ RATIONALIS,
 Scire Volentibus



Communicata

& sub

felicibus auspicijs

Magnifici Perillustri ac Admodum Reuerendi Domini,

M. A N D R E Æ
K V C H A R S K I,

*S. Th. Doctoris & Professoris Ecclesiarum Crac:
 Cathedr; Canonici, & Collegiata SS Omnium Præpositi, Cu-
 rats Prossoniæ: Scholarum Vladislauiano-Nowodvorscianarum
 & Contubernij Hierosolymitani Prouisorij, Canonizationis*

*B. IOANNIS CANTII Procuratoris, &c. nec non
 Almae Studiorum Vniuersitatis Cracouiens: generalis*

R E C T O R I S.

Vigilantissimi

euulgata

atq;

*Per V. ANTONIVM FRANCISCVM SIÄWER, Art: & Phiæ Baccalaureum
 cum assensu*

M. GREGORII OCHABOWICZ,

*Collegæ Min: Cursus Philosophici VLADISLAVIANI Professoris
 in peraugusta D. IAGELLONIS Aula*

Anno reparata Salutis M. DC. LXX. Die 20. Aprilis.

Horis pomeridianis

publicæ, Eruditorum Virorum, Clarissimorum & Doctissimorum Hospitiũ, Cris-

E X P O S I T A.

(S)(+)(S)

I. *Ex Disputatione.* De Philosophia in communi.

I. **D**atur Philosophia magno humani generis bono. (2) recteq; definitur quòd sit cognitio rerum Diuinarum & humanarum. Seu. cognitio rerum vt sunt. 3. adæquatè quoq; diuiditur *ratione Materiae*, in Rationalem, Naturalem, & Moralem: *ratione vero Finis*. in Speculatiuam & Practicam. 4. licet porrò tam speculatiuæ quàm Practicæ vniuersaliter loquendo finis sit veritatis cognitio, non tamen æqualiter (5) quemadmodum nec idem est inter memoratas Philosophiæ partes doctrinæ & dignitatis ordo.

II. *Ex Disputatione.* De Natura Logicæ.

I. **P**ræter Logicam Naturalem, defacto datur Artificialis. 2. quæ in Docentem & Vtentem, non tanquam in duos realiter, sed tanquam in duos solâ ratione ratiocinatâ distinctos habitus rectè diuiditur. 3. estq; Docens verè & propriè Scientia: vtens verò tantum Entitatiuè, non autem formaliter seu reduplicatiuè sumpta. 4. Obiectum eius formale & adæquatum (dictum Quod) est Ens *rationis*, non in tota sua latitudine, sed prout comprehendit modum sciendi extensum ad omnes secundas Intentiones Logicas, tam eas quæ fundantur in rebus, quàm quæ in vocibus: licet illæ primariò, hæ secundario referantur ad rationem ipsius formalem dictam Quæ. 5. Porrò Obiectum Quo, seu ratio formalis sub Qua Logica considerat Entia rationis: est tum abstractio ab omni Materia: tum principia ex quibus ad suas Conclusiones eliciendas procedit. 6. & hinc est quod illa, non sit scientia practica (nisi fortè impropriè idq; solum vt Vtens) & multò minùs speculatiua simul & practica: sed est purè speculatiua. (7) ad alias omnes scientias acquirendas in statu perfectò simpliciter necessaria. 8. ita vt proximus illius finis internus sit Entis rationis cognitio: externus, Definitionis, Diuisionis, & Argumentationis in Materia occurrenti constructio: Vltimus verò est tum directio intellectus, ne erret in suis operationibus: tum quoq; illa cognitio

quæ

quæ in quavis materia haberi potest per Definitionem Divisionem & Argumentationem. 9. ratione quorum Logica consecutiue scientia Methodica, & modus sciendi non abs re dicitur.

III. *Ex Disputatione.* De Ente rationis Logico.

I. **D**E facto datur Ens rationis Logicum. 2. quod consistit non in denominatione extrinseca, sed in quodam esse ficto, quod nihil est in re, habet tamen esse obiectiue in intellectu, ratione cuius denominatur intrinsece. 3. ac proinde habet veram vt essentiam sic existentiam, quarum illa ex habituali, hæc autem desumitur ex actuali relatione ad intellectum. 4. recteq; describitur quod sit proprietas quædam conueniens rebus ex esse quod habent in intellectu, cuius totum, esse est ad aliud se habere. 5. ex quo patet Entia rationis fieri, non à sensu aliquo, externo vel interno; neq; à voluntate; sed ab intellectu idq; non Diuino nec Angelico, verum (& quidem non nisi pro hoc statu) à solo humano; eoq; non Agente, sed duntaxat Possibili, per actum eius reflexum, & comparatiuum ac per quamlibet illius operationem, exceptâ præcisione. 6. vt autem solus intellectus format Entia rationis: ita quoq; solus ea cognoscit per alienam quidem impressam, per propriam verò speciem eorum expressam.

IV. *Ex Disputatione.* De Vniuersalibus in Comuni.

I. **V**niuersale vt rectè definitur esse quid vnum commune multis: ita quoq; rectè diuiditur in Materiale & formale.

2. Præter singularia quippe & voces atq; conceptus formales, dantur à parte rei conceptus obiectiui siue vniuersalia, materialia in singularibus non autem separatim existentia. 3. illaq; præter vnitatem materiale habent à parte rei formalem communem negatiue, sola ratione ratiocinatâ à numerali distinctam. 4. Porro Vniuersale formaliter sumptum, non est à parte rei extra intellectum; sed si Metaphysicè sumatur, fit per abstractionem intellectus Agens, & perfectiùs per præcisionem intellectus possibilis: si verò sumatur Logicè, fit per intellectus possibilis comparisonem simplicem, non verò compositam. 5. Logici vniuersalis propria passio est prædicabilitas. 6. istudq;

diuiditur non modò adæquatè sed & vniuocè in Genus, Speciem, Differentiam, Proprium & Accidens. 7 Ex quibus licet Genus ac Species tam in concreto quàm in abstracto; Differentia nihilominus Proprium & Accidens non nisi in concreto de suis inferioribus directè & formaliter prædicari possunt.

V. *Ex Disputatione. De Genere.*

I. Rectè à Porphyrio definitur Genus esse id quod prædicatur de pluribus specie differentibus in eo quod quid est. 2. quæ quidem Definitio non est essentialis sed descriptiua. 3. definitumq; illius non est aggregatum ex natura & secundæ intentione; nec natura vt connotat secundam intentionem; sed secundæ intentio vt connotat naturam. 4. bene quoq; diuiditur in Generalissimum & Subalternum. 5. sed non prædicatur de speciebus vt pars, ast vt totum potentiale. 6. quæ ratione sumptum, nullo modo saluari potest in vnica specie. 7. illud porrò quod communiter dicitur Genus sumi à materia; intelligendum est tanquam à principio seu fundamento radicali remoto, non tanquam à proximo: & quidem non nisi in substantijs, idq; materialibus tantum.

VI. *Ex Disputatione. De Specie ac Individuo.*

I. Species vt est vniuersale, quamuis descriptiuè nihilominus bene à Porphyrio definita est per prædicari de pluribus solo numero differentibus. 2. conuenitq; hæc Definitio speciei non subalternæ, sed specialissimæ. 3. idq; non vt est subijcibilis, sed vt est prædicabilis. 4. iuxta quam considerationem, licet non Logicè tamen Metaphysicè sumpta saluatur in vnico Individuo. 5. Individuum autem primò intentionaliter acceptum est id cuius collectio proprietatum sic est in vno, vt nunquam fiat in alio: secundò verò intentionaliter acceptum est id quod de vno tantum prædicatur (puta prædicatione identicâ non formali) 6. & istæ ambæ descriptiones conueniunt Individuo determinato, non autem vago, quod inter naturam singularem & vniuersalem mediare videtur.

VII. *Ex Disputatione. De Differentia.*

I. Diuisio Differentiæ in Communem Propriam & maximè pro-

propriam licet sit adequata (2) non tamen est uniuoca sed ana-
 loga, siue primò siue sumatur secundò intentionaliter. 3. so-
 lumq; tertium istius Diuisionis Membrum scilicet Differentia
 maximè propria, constituit tertium in ordine Prædicabile, nem-
 pe Differentiam. 4. quæ rectè definitur esse id quod prædicatur
 de pluribus specie differentibus in quale quid. 5. istaq; Defi-
 nitio (si in ealy specie differentibus; intelligatur de differen-
 tibus specie non tantum inter se, sed etiam ab alijs) potest con-
 uenire non solum Differentijs subalternis, sed etiam Differen-
 tijs ultimis. 6. quas præter subalternas dari. (7) Illas cum spe-
 ciebus atomis esse conuertibiles (8) nec in se Differentias sub-
 alternas aut genera formaliter includere. (9) & in esse tertij
 Prædicabilis non constitui per ordinem ad propria Individua,
 nec per ordinem ad speciem. iam constituunt, sed per ordi-
 nē ad Individua istius speciei, tenemus. (10.) prout & hoc quod
 omnis differentia suo genere perfectior sit.

VIII. *Ex Disputatione.* De Proprio.

1. **Q**uatuor modis dicitur Proprium (2) sed solum quarto
 modo sumptum (quod scilicet conuenit omni, soli &
 semper) habet rationem quarti Prædicabilis (3) consti-
 tuiturq; in esse uniuersalis, non per ordinem ad inferiora eod-
 em nomine significata, nec per ordinem ad speciem siue es-
 sentiam à qua dimanat, & cum qua conuertitur, sed per ordinem
 ad inferiora talis speciei.

IX. *Ex Disputatione.* De Accidente.

1. **A**ccidens ut est quintum Prædicabile rectè definitur per
 adesse & abesse sine subiecti corruptione. (2) sed hæc
 Definitio non primò verum secundò intentionaliter ex-
 ponenda est. 3. porrò hoc Accidens in esse uniuersalis constitui-
 tur per ordinem ad subiecta quæ denominat, non verò per or-
 dinem ad inferiora de quibus essentialiter dicitur.

X. *Ex Disputatione.* De Antepredicamentis.

1. **D**efinitiones Equiuocorum, Uniuocorum & Denomi-
 nationum rectè sunt ab Aristotele traditæ. ita ut *Equi-
 uoca* sint illa, quorum nomen est commune, ratio verò
 sub-

substantiæ nomini accommodata, diuersa. *Vniuoca* illa, quorum & nomen commune est, & ratio substantiæ nomini accommodata est eadem. *Denominatiua* autem illa, quæ ab aliquo nominis appellationem habent, solo differentia casu. 2. Porro inter æquiuoca & vniuoca dantur *Analogæ*, media inter illa, quorum scilicet nomen est commune, & ratio substantiæ per illud nomen significata, eadem secundum quid, diuersa verò simpliciter. 3. Suntq; *Analogæ dupliciæ*. *Alia Attributionis*, quorum scilicet nomen est commune, & ratio substantiæ illius nominis, eadem secundum terminum, diuersa verò secundum habitudines ad illum. Et *alia Proportionalitatis* quorum scilicet nomen est commune, & ratio substantiæ illius nominis eadem secundum aliquam proportionem seu similitudinem, diuersa verò simpliciter. 4. Dux quoq; *Diuisiones*: altera *Vocum* in *Complexas* & *Incomplexas*: & altera *Rerum*. in substantias & *Accidentia* rectè sunt assignatæ. 5. quemadmodum & dux *Regulæ Antepredicamentales* quarum *prima* hæc est. Quando aliquid prædicatur de aliquo, tanquam de subiecto, tum quicquid attribuitur prædicato attribuitur & illius subiecto. *Secunda* verò hæc. Diuersorum generum & non subalternatim positorum, diuersæ sunt specie differentiæ.

XI. *Ex Disputatione*. De Prædicamentis in communi.

1. **P**Rædicamenta rectè dicuntur esse coordinationes generum & specierum secundum sub & supra: hoc est secundum subijcibilitatem & prædicabilitatem. (2) in illis verò non ponuntur directè nisi sola *Entia realia*, creata, per se, completa, incomplexa, vniuoca, & essentialia. (3) numeranturq; decem hæc. *Substantia*, *Quantitas*, *Qualitas*, *Relatio*, *Actio*, *Passio*, *vbi*, *Quando*, *Sicus*, & *Habitus*. (4) quæ adeo sunt *impermixta*, vt inter omnia intercedat *realis distinctio*,

XII. *Ex Disputatione*. De Substantia.

1. **R**atio formalis constitutiua Substantiæ est, esse per se, non autem substare accidentibus, vel non esse in alio. 2. *Diuisio* quoq; illius in *Primam* (quæ non dicitur de subiecto) & *Secundam* (quæ dicitur de subiecto) est bona, licet

nec vniuoca, nec simpliciter analoga, est subiecti in Accidentia.
3. Diuisum quippe huius Diuisionis est substantia secundum se
spectata ut scilicet præintelligitur ante modos essendi particu-
lariter vel vniuersaliter. 4. Porro Proprietates Substantiæ
assignantur vulgò sex (istæ non esse in subiecto: Dicitur de prima
si sit secunda: primam significare hoc aliquid, & secundam
quale quid: non habere contrarium: non suscipere magis &
minus: esse verò contrariorum susceptiuam) ex quibus prima
tantum & vltima sunt proprietates quarto modo sumptæ.

XIII. *Ex Disputatione. De Quantitate.*

I. Nec mensura, nec diuisibilitas, nec impenetrabilitas, aut
extensio partium in ordine ad locum, sed extensio par-
tium in ordine ad se, est ratio formalis Quantitatis (2)
quæ in Continuum & Discretam rectè diuiditur. 3. species per
se Quantitatis Continuæ sunt linea, superficies & Corpus, imò
& Tempus: Locus autem & Motus non item. 4. Species verò
Quantitatis Discretæ sunt Numerus & Oratio. 5. Porro ex Pro-
prietatibus Quantitatis quæ tres assignantur à Philosopho (sci-
licet. Non habere contrarium: non suscipere magis & minus:
secundum quantitatem res dicuntur æquales vel in æquales)
sola tertia est quarti modi proprii.

XIV. *Ex Disputatione. De Qualitate.*

I. Qualitas iuxta Aristotelem est, secundum quam quales
esse dicimur. hoc est Qualitas est accidens à quo res cō-
stituitur in esse qualis, & per quod propriè responderetur
interrogationi factæ per Quale. Vel ut alij exponunt. Quali-
tas est accidens completum modificatiuum seu determinati-
uum Substantiæ in seipsa. 2. Et iuxta hanc expositionem dicta
Definitio exprimit rationem Qualitatis formalem quæ est di-
positio seu modificatio & determinatio substantiæ sine addito.
hoc est, quam Substantia potest habere in seipsa sine additione
ordinis ad aliud. 3. adæquatè porro & tanquam genus in spe-
cies diuiditur Qualitas in Habitum & Dispositionem: Natura-
lem potentiam & impotentiam: passionem & patibilem qua-
litatem: tum formam & figuram. (4) in qua Diuisione quadri-
membri

membri, sola primi Membri duo vocabula, duas; secundi verò tertij & quarti singulas tantum dicunt species. 5. Porro ex tribus Qualitatis proprietatibus, quarum prima est, habere contrarium: secunda suscipere magis & minus: sola tertia est quarti modi hæc, secundum Qualitatem res dicuntur similes vel dissimiles.

XV. *Ex Disputatione. De Relatione.*

I. **D**antur Relationes reales creatæ secundum esse, quæ (2) & quidem solæ constituunt distinctam ab alijs Prædicamentis Categoriā, quam Aristoteles expressit per ly Adliquid. (3) illamq; in Concreto & quidem in plurali definit sic. *Relatiua* sunt quorum esse est ad aliud se habere. 4. in abstracto verò optimè definitur sic *Relatio* est accidens faciens respicere aliud. Seu clariùs est accidens reale cuius totum esse est ad aliud se habere. 5. Ad hoc autem vt Relatio sit realis requiruntur istæ quatuor condiciones: subiectum reale, fundamentum reale, terminus realis existens realiter, & distinctio realis fundamenti & termini. 6. Fundamenta verò Relationis hæc tria tantum sunt vnitas & Numerus, Actio & Passio, Mensura & Mensurabile. (7) ab his autem omnibus realiter distinguitur Relatio. (8) quæ siue sit mutua, siue non, formaliter terminatur ad respectiuium. 9. Porro vnitatem & distinctionem Relationū quod attinet; *Numerica* ex vnitatem & distinctione Numerica subiecti: *specificæ* autem vnitas ab vnitatem *specificæ* tam fundamenti quàm termini, tanquam à totali & integra causa: *distinctio* verò *specificæ*, à specifica, vel fundamenti, vel termini distinctione sumitur. 10. Cæterum ex proprietatibus Relatiuorū istæ solæ sunt quarti modi: scilicet esse simul naturā, & esse simul cognitione: aliæ verò quæ communiter afficiantur, vt pote dici ad conuertentiam: habere contrarium: & suscipere magis & minus, non tam sunt proprietates, quàm potius communitates.

XVI. *Ex Disputatione. De Sex Vltimis Prædicamentis.*

I. **V**ltima sex Prædicamenta non sunt Relationes secundum esse, sed sunt quid simpliciter absolutum, con-

notant

notant nihilominus aliquid extrinsecum. (2.) non ideo ta-
 men sunt puræ denominationes extrinsecæ, sed sunt Enti-
 tates quædam seu formæ intrinsecæ & absolutæ, resultantes
 in rebus cum essentiali dependentia ab aliquo extrinseco. 3.
 vnde quod *Actionem* spectat, illa definitur à Gilberto Porreta-
 no quod sit forma secundum quam in id quod subiicitur a-
 gere dicimur. hoc est (vt quidam exponunt) est causalitas
 causæ Efficientis, seu actus secundus potentia operatiua. seu
 est accidens à quo res constituitur actu agens. 4. diuiditur
 autem in immanentem & transeuntem: & vtrâq; hæc subdi-
 uiditur iuxta diuisiones sui principij scilicet potentia operati-
 ua. | 5. *Passionem* quod attinet illa nihil est aliud nisi actua-
 lis receptio termini, seu actus secundus potentia passiua. seu
 quod in idem redit. Est accidens à quo res constituitur actu
 recipiens. 6. Licet verò tam Actioni quam Passioni com-
 mune sit, vt se mutuo inferant, vt fiant mediante Qualitate,
 & habeant contrarium, suscipiantq; magis & minus; non ta-
 men ab eodem specificantur; sed Actio à potentia operatiua.
 Passio autem à termino per actionem producto. 7. Quod at-
 tinet *vbi*. describitur à Gilberto quod sit circumscriptio cor-
 poris, ex circumscriptione loci proueniens. ab alijs autem
 breuius, quod sit notatio loci: ita vt *vbi* sit accidens resul-
 tans in re locata ex circumscriptione loci. (8.) porrò illius
 differentia sunt illæ sex ante, retro, sursum, deorsum, dex-
 trorsum sinistrorsum. 9. Quod attinet *Quando* illud nihil est
 aliud nisi forma accidentalis relicta in rebus temporalibus
 ex adiacentia temporis. vel (vt alijs placet) est notatio tem-
 poris. 10. *Situm* quod spectat, ille nihil est aliud nisi ordo seu
 positio partium in loco (11.) diuiditurq; in naturalem & non
 naturalem: is verò in spontaneum, casualem, & violentum.
 12. Ad extremum *Habitus* ab Authore sex Principiorum de-
 scribitur quod sit corporum & eorum quæ circa corpus sunt
 adiacentia: ita vt sit modus accidentarius resultans in cor-
 pore ex adiacentia eorum quæ circa corpus sunt: sunt autem
 aut vestes aut arma (13.) ratione quorum habitus diuiditur

in duo genera subalterna: vtrumq; verò in varias subdiuidi-
tur species.

XVII. *Ex Disputatione.* De Postprædicamentis.

I. **O**ppositio in Relatiuam, Contrariam, Priuatiuam, &
Contradictoriam adæquatè, non tamen vniuocè, sed a-
nalogicè diuiditur. (2) inter has autem Contradictoria
est omnium maxima. 3. Quinq; modi Prioris: tres modi simul:
Sex vocabula motûs latè sumpti: & septem modi habendi re-
ctè sunt assignati ab Aristotele. ita vt aliquid sit *Prius*, tempore,
Consequentia, Ordine, dignitate, & Naturâ: *Simul* verò aut
tempore, aut naturâ Relationis, aut demum Naturâ diuisionis.
Moueatur autem vel per generationem, vel per corrup-
tionem, vel per diminutionem, vel per alterationem, vel
demum per loci-mutationem: *Habere* porrò dicatur vel Qua-
litem, vel Quantitatem, vel contentum, vel possessionem,
vel membrum, vel ornatum, vel demum amicum.

XVIII. *Ex Disputatione.* De Propositione.

I. **O** Ratio quæ ad Propositionem habet se vt genus; rectè
definitur quod sit vox significatiua ad placitum, cuius
aliqua pars separata significat. 2. rectè quoq; diuiditur
quadrifariam. primò vt est totum essentielle, in vocem & si-
gnificationem. Secundò vt est totum causale, in perfectam &
imperfectam. Tertio vt est totum vniuersale, in Enunciati-
uam & non enunciatiuam. Quarto tandem vt est totum inte-
grale, in Nomen & Verbum. 3. est verò *Nomen* vox significati-
ua ex instituto sine tempore, cuius nulla pars separata significat,
finita & recta. 4. *Verbum* autem ex vox significatiua ex institu-
to cum tempore, cuius nulla pars separata significat finita & re-
cta, & est semper eorum quæ de altero dicuntur nota. 5. Ipla
porrò *Propositio* rectè definitur quod sit oratio, verum vel fal-
sum significans. 6. rectè quoq; quadrupliciter diuiditur, nem-
pe ratione formæ, Maternæ, Quantitatis & Qualitatis. *Ratio*
æ formæ. in Categoricalam quidem & Hypotheticam Analogicè,

sed in affirmatiuam & negatiuam, vniuocè. *Ratione Materiae*, in necessariam, Contingentem & Impossibilem. *Ratione quantitatis* in vniuersalem, Particularem, indefinitam, & singularem. *Ratione demum Qualitatis*, in veram & falsam. 7. Porro Proprietates Propositionis sunt in triplici differentia. Aliæ quæ ipsam consequuntur secundum se: vt sunt veritas (quæ est intellectus nostri cum rebus conformitas) & falsitas (quæ est difformitas seu inadæquatio intellectus nostri cum rebus) 9. Aliæ quæ consequuntur Propositionem ratione illius terminorum. vt sunt illæ sex suppositio, ampliatio, restrictio, alienatio, diminutio, & appellatio. 10. Aliæ demum quæ consequuntur Propositionem ex comparatione illius ad alteram. vt sunt illæ tres Oppositio, aequipollentia & Conuersio. 11. Ex Propositionibus Verò Contradictorijs singularibus de futuro contingenti, neutram contradictoriam esse determinatè veram aut falsam tenemus.

XIX. *Ex Disputatione. De Discursu formali.*

I Tertia Intellectus nostri operatio scilicet Discursus seu Ratiocinatio, requirit pluralitatem cognitionum, essentialiterq; consistit in iudicio illatiuo, seu dependentia vnius cognitionis ab alia, in quantum videlicet ex cognitione rei notioris deuenimus ad cognitionem ignotioris. 2. diuiditur autem Discursus formaliter sumptus in Consequentiam strictè sumptam & in Argumentationem. 3. Argumentatio verò subdiuiditur in Syllogismum & Inductionem, tanquam in duas species perfectas, ad quas Enthymema & Exemplum, tanquam quidam imperfectum reducuntur. 4. Syllogismus rectè definitur quod sit Oratio in qua quibusdam positis aliud quidpiam ab his quæ posita sunt, eò quod posita sint necessariò sequitur. 5. Principia quoq; Syllogismi non tantum Constituentia, tã materialia quàm formalia; sed etiam Dirigentia rectè sunt ab Aristotele assignata. *Materialia* quidè *remota*, sunt tres termini s. maius extremum, minus extremum & medium: *proxima*, sunt, tres propositiones scilicet Maior, Minor, & Conclusio (quanquã si

Syllogismus sumatur pro instrumento ad inferendam Conclusionem, illa tunc non est de illius essentia) *Formalia remota* sunt tres figurae: *proxima* sunt nouemdecim Modi. Divergentia decem seu regulatiua Syllogismorum principia sunt illa duo; vnum affirmatiuum quod appellatur *Dici de omni*: & alterum negatiuum quod appellatur *Dici de nullo*. quæ ambobus innotantur illis. Quæ sunt eadem vni tertio &c. hæc vero illi notissimo. Quodlibet est aut non est.

XX. *Ex disputatione. De Demonstratione.*

I. **D**E sola discursu sua cognitione verificatur illud effatum. Omnis doctrina & disciplina fit ex præexistenti cognitione. 2. Duæ Præcognitiones istæ: An est, & Quid est: tria verò præcognita hæc, principium, subiectum, & Passio, rectè assignantur ab Aristotele. 3. rectè quoq; ab eodem definitur Demonstratio duplici Definitione, quarum *Prima* hæc est Demonstratio est Syllogismus faciens scire. *Secunda* verò hæc. Demonstratio est syllogismus procedens ex principiis veris primis immediatis, notioribus, prioribus & Causis Conclusionis. 4. ex quo patet. medium potissimæ Demonstrationis esse Definitionem subiecti. 5. rectè similiter ab eodem. Aristotele requiruntur ad Demonstrationem etiam illæ tres conditiones scilicet. Dici de omni, Per se, & Quatenus ipsum. 6. rectè pariter Demonstratio diuiditur in Propter quid, & Quia; analogicè tamen: & membra hæc non sunt idem quod Demonstratio à priori & à posteriori. 7. Porro in Demonstratione vniculo non licet, nisi fortè ille sit difformis, non autem vniformis.

XXI. *Ex Disputatione. De Scientia.*

I. **S**cientia est simplex qualitas. 2. propriè sumpta rectè ab Aristotele 1. Poster. cap. 2. definitur dupliciter. *Primo* cum dicit sic. Scire autem putamus vnamquemq; rem simpliciter & non Sophistico modo, cum putamus causam cognoscere propter quam res est, eius rei causam esse, neq; posse tam aliter se habere. *Secundo* verò sic. Scire est per demon-

stra-

strationem intelligere. 3. Ex his autem Definitionibus Scientiæ in concreto, elicitur illius in abstracto communis & vñtata. Definitio hæc. Scientia est habitus certus per Demonstrationem acquisitus. 4. rectè quoq; ratione dependentiæ Scientia diuiditur in Subalternantē & Subalternatā quæ si sit naturalis siue Subalternante non meretur nomen veræ Scientiæ. 5. Ad verā autem subalternationē requiritur vt Obiectum subalternatæ contineatur sub obiecto subalternantis; addatq; supra illud differentiam accidentalem, communem, non tamen quamcunq; sed talem ex cuius additione constituatur Ens scibile, cuius principia probentur à priori per subalternantem. 6. Porro Scientiarum vñitas & distinctio generica sumitur ab abstractione eadem vel diuerſa: *Specificæ* vero ab vñitate & distinctiōne principiorum intra idem genus scibilis, siue intra eandem abstractionem: ita vt illæ sententiæ sint *Vnius generis*, quæ habent eandem abstractionem à Materia; illæ diuersi generis, quæ habent diuersas abstractiones: ita *Vnius speciei*, quæ habent principia eiusdem speciei in esse scibilis: illæ verò diuersæ *speciei*, quæ habent principia distincta in esse scibilis. 7. Porro scientia vt sic, non solum distinguitur ab opinione, fide, & solertia; sed etiam ab intelligentia, prudentia & Arte, non tamen à sapientia ex æquo. (8) nec potest simul esse cum opinione in eodem intellectu de eodem obiecto; imò neq; cum fide si scientia naturalis sit.

XXII. Ex Disputatione. De Syllogismo Topico & Sophistico.

I. **S**Yllogismus Topicus rectè definitur quod sit ratiocinatio quæ ex probabilibus assumptionibus probabilem inferre Conclusionem, seu est argumentatio constans propositionibus opinionem generantibus propter medium probabile sumptum ex locis Dialecticis (2) de eo sufficientem. Aristoteles reliquit doctrinam in octo libris Topicorum. vbi subministrat argumenta probabiliter disputandi in vtramque partem de re quauis proposita, hoc est de omni Proble-

mate Dialectico, quod non est nisi quadruplex quemadmo-
dum & Prædicata Dialectica non sunt nisi quatuor Defini-
tionis scilicet Generis Proprij & Accidentis. 3. Præter sylo-
gismum autem Demonstratiuum & Topicum datur quoq; So-
phislicus qui constat ex propositionibus apparentibus. (4)
de hoc in duobus libris Elenchorum Sophisticorum tractat
Aristoteles sufficienter, non tamen assertiuè hoc est vt
alios decipiamus, sed discretiuè, hoc est vt fallaci-
as & deceptiones euitare sciamus.

Soli Deo honor & Gloria.

Permisso Magnifici Domini Rectoris.



C R A C O V I A,
In Officina Hæredum CHRIST: SCHEDEL S. R. M. Typogr:





Biblioteka Jagiellońska



stdr0022138

